

KASHFU WAL BAYAN



PENYINGKAPAN
&
PENJELASAN

الكشف والبيان

KASHFU WAL BAYAN

PENYINGKAPAN DAN PENJELASAN

Cetakan pertama 2012

Cetakan kedua 2015

Hakcipta terpelihara. Tidak dibenarkan mengeluarkan ulang mana mana bahagian artikel , ilustrasi dan isi kandungan buku ini dalam apa jua bentuk dan dengan apa cara sekalipun sama ada secara elektronik, fotokopi, mekanik, rakaman dan lain-lain sebelum mendapat izin secara bertulis dari Penerbit.

Diterbitkan oleh:

*Jabatan Mufti Negeri Pulau Pinang
KOMTAR, Tingkat 48,
10000 Pulau Pinang*

Tel: 04-263 2975 Faks: 04-263 2985

<http://mufti.penang.gov.my>

Rekabentuk / urus cetak:

Dream Worx

NASKAH PERCUMA

Isi Kandungan

Kata Pendahuluan

muka surat 1

Taharah

muka surat 2 - muka surat 10

Solat

muka surat 11 - muka surat 12

Azan

muka surat 13 - mukasurat 14

Niat Solat

muka surat 15 - mukasurat 17

Doa

muka surat 18 - mukasurat 43

KATA PENDAHULUAN

بِسْمِ اللَّهِ الرَّحْمَنِ الرَّحِيمِ

الحمد لله رب العالمين والصلاة والسلام على رسول الله وعلى آله وصحبه أجمعين

Segala puji bagi Allah, Selawat dan Salam buat junjungan Nabi Muhammad S.A.W serta Para Sahabat.

Kekusutan dan kecelaruan di dalam permasalahan ibadah semakin hari semakin membimbangkan. Bagi yang suka beribadah, mereka keliru dengan amalan mereka dan yang tidak suka beribadah pula, mereka mengambil kesempatan dengan kekusutan serta kecelaruan itu untuk menjadikannya sebagai hujah untuk meringankan mereka dari melakukan ibadah serta tuntutan agama. Sebahagian ulama ta'sub dengan pendapatnya sehingga menidakkan yang lain dan ada pula yang terlalu ringan sehingga tidak konsisten dengan pendapatnya. Yang ta'sub terus dengan keta'subannya sedangkan di waktu yang sama musuh Islam terus memainkan peranan.

Khalifah Umar bin Abd. Aziz pernah berkata , “ Saya gembira kerana para Sahabat Rasulullah S.A.W mempunyai pendapat yang berbeza di dalam sesuatu permasalahan, kerana sekiranya mereka bersepakat di dalam sesuatu perkara, lalu dilanggari oleh seseorang, maka ia akan menjadi sesat. Tetapi apabila mereka berselisih pendapat, lalu sebahagian orang mengambil pendapat salah seorang Sahabat dan sebahagian yang lain mengambil pendapat Sahabat yang lain, maka perkara tersebut mempunyai keluasan sendiri”.

Keta'suban dengan satu-satu pendapat serta menidakkan pendapat orang lain menyebabkan Islam semakin sempit. Risalah ini yang dinamakan “ KASHFU WAL BAYAN” (Penyingkapan dan penjelasan) cuba untuk menyuluh kekusutan serta kecelaruan di dalam permasalahan ibadah agar permasalahan tersebut menjadi nyata dan terang serta dapat diamalkan oleh masyarakat Islam. Ia disaring dari Kitab “Sinar Matahari” yang ditulis oleh As-syaikh Abd. Kadir Bin Abd. Al-Mutalib Al-Indonesi serta ditambah dengan rujukan-rujukan yang lain. Yang baik itu daripada Allah Taala jua..

TAHARAH



Permasalahan:

Ketika mengambil wuduk, bolehkah membasuh telinga dengan air yang digunakan untuk menyapu kepala tanpa mengambil air yang lain dan membasuhnya hanya dengan sekali sapu?

Jawapan:

Nabi Muhammad S.A.W membasuh telingannya dengan air yang baru bukannya air sapuan kepala. Dalilnya :

وعنه (أي عبد الله بن زيد) رضى الله عنه (أنه رأى النبي صلى الله عليه وسلم يأخذ لأذنيه ماء غير الماء الذى أحذه لرأسه) أخرجه البيهقي

Ertinya : “ Daripadanya (Abdullah bin Zaid) R.A., Bahawasanya beliau telah melihat Rasulullah S.A.W mengambil air bagi membasuh kedua telinganya akan air yang lain daripada air yang digunakan bagi membasuh kepalanya”.

Hadis riwayat al-Baihaqi.¹

Dalil ini juga menyebutkan bahawa boleh menyapu telinga lebih daripada sekali.

Telah menceritakan oleh Abu Daud daripada Saidina Uthman R.A :

(ومسح رأسه ثلاثا, ثم غسل رجله ثلاثا, ثم قال : رأيت رسول الله ﷺ توضأ هكذا)

Ertinya: Dan menyapu Ia (Saidina Uthman R.A.) akan kepalanya tiga kali, kemudian membasuh dua kakinya tiga kali, lalu beliau berkata : Aku melihat Rasulullah S.A.W mengambil wuduk seperti ini”.²

Apabila hadis menyebut boleh menyapu kepala lebih dari satu kali, maka dibolehkan menyapu telinga lebih daripada satu kali kerana telinga itu daripada kepala. Sabda Nabi Muhammad S.A.W الأذن من الرأس



Permasalahan :

Apakah perlu mengambil wudu' setelah mandi biasa kerana Nabi Muhamad S.A.W tidak mengambil wuduk setelah mandi disebabkan wuduk telah termasuk dalam mandi bahkan mandi lebih bersih daripada wuduk ?

¹ Hadis yang ke sebelas pada Bab al-Wudu' di dalam Kitab Buladgu al-Maram.
² Hadis yang ke 107 pada bab yang ke 5 dalam juzu' I

TAHARAH

Jawapannya 

Tiada dalil mengenai perkara berikut. Adapun hadis Sayyidatina Aisyah R.A. dan yang seumpamanya : *ان النبي ﷺ كان لا يتوضأ بعد الغسل*

Ertinya : “ Sesungguhnya Nabi Muhammad S.A.W tidak mengambil wuduk selepas mandi” ³

Apa yang dimaksudkan dengan mandi tersebut adalah mandi junub bukannya mandi biasa kerana pada hadis riwayat Ibnu Majah ada menyebutkan ;

لا يتوضأ بعد الغسل من الجنابه

Ertinya : Nabi Muhammad S.A.W tidak mengambil wuduk selepas mandi junub”. Ini disebabkan Nabi Muhammad S.A.W berwuduk terlebih dahulu sebelum mandi junub.

Permasalahan : 

Bagi perempuan yang bersanggul rambutnya, apabila hendak mengangkat hadas besar (mandi junub), apakah memadai baginya menyiram kepalanya tiga kali tanpa membuka sanggulnya ?

Jawapannya 

Sekiranya sampai air membasahi seluruh rambut dan kulit kepalanya, maka tidak wajib ia membuka sanggulnya tetapi sekiranya air tidak sampai membasahi seluruh rambut dan kulit kepalanya, maka wajib ia membuka sanggulnya kerana kaedah Fikh ada menyatakan *ما لا يتم الواجب الا به فهو واجب*

Barang yang tidak sempurna oleh yang wajib melainkan dengannya, maka ia menjadi wajib”. Nabi Muhammad S.A.W pernah bersabda kepada Siti Aisyah R.A. ⁴

انقضى شعرك واغتسلي

Ertinya “ Buka rambutmu dan mandi”.

Anas R.A. meriwayatkan bahawa Nabi Muhammad S.A.W bersabda :

“اذا اغتسلت المرأة من حيضها نقضت شعرها نقضا”⁵

Ertinya: Apabila mandi seorang perempuan daripada haidnya, maka ia membuka rambutnya bagi menyempurnakan mandiannya”.

³ Sunan at-Tirmizi serta Sarh al-Mubarakfuri. M.s. 109, Juzuk 1 dan dalam Sunan Abi Dawud, m.s. 108, juzuk 1. No. Hadis (250).

⁴ Riwayat Bukhori

⁵ Hadis shahih riwayat Ad-Dhita' al-Muqadassi, ad-Darugatni, al-Tabroni dan al-Khatib

TAHARAH

Saidina Ali Karramallah Wajjah meriwayatkan, bahawa Nabi Muhammad S.A.W bersabda :

من ترك موضع شعره من جنابة لم يغسلها فعل به كذا وكذا من النار . قال ⁶
علي كرم الله وجهه : فمن ثم عادت شعر رأسي

Ertinya : Sesiapa yang meninggalkan tempat seurat rambut daripada janabah tanpa membasuhnya, nescaya diperbuat dengannya akan bahagian-bahagiannya daripada api neraka, maka kerana itu aku berseteru dengan rambutku di kepala dan aku mencukur semua rambutku”.

Permasalahan :

Adakah benar tempoh berhentinya darah nifas yang paling lama adalah 40 hari dan jika masih lagi keluar selepas 40 hari, hendaklah ia mandi dan solat?.

Jawapannya :

Tidak benar kerana tiada dalil. Ada pun hadis Ummu Salamah R.A.

“كانت النفساء تقعد على عهد النبي ﷺ بعد نفاسها أربعين يوما”

Para wanita di zaman Nabi Muhammad S.A.W suci daripada nifasnya selepas 40 hari adalah hadis daif.

Permasalahan :

Apakah benar tayammum itu menyapu muka dan dua tapak tangan hingga sampai ke pergelangan sahaja dengan pasir yang bersih?

Jawapannya :

Pendapat ini bertentangan dengan firman Allah Taala di dalam al-Quran “

“فَتَيَمَّمُوا صَعِيدًا طَيِّبًا”

Ertinya “ Maka tayammumlah kamu dengan tanah yang baik”. Ibnu Abbas berkata, maksud ayat ini ialah tanah yang suci dan Imam Syafie berkata maksudnya ialah tanah yang ada debu. Tiada dalil yang menyatakan bertayammum dengan pasir:

عن ابن عمر عن النبي ﷺ قال : التيمم ضربتان ضربة للوجه و ضربة

6 Riwayat al-Imam Ahmad, Abu Daud dalam Irsyad al-Ibad.m.s 13.

7 Hadis didalam Buludhul Maram, m.s. 42, no . 12. Sunan Abi Daud serta Bazlu al-majhub. M.s. 186 dalam juzuk (1). Sunan at-Tirmizi serta di dalam Sarhu al-Mubarakfuri, m.s. 139 dalam juzuk (1).

TAHARAH

Ertinya : “ Dari Ibnu Umar R.A menceritakan bahawa Nabi Muhammad S.A.W bersabda : Tayammum itu dua kali tepukan, sekali untuk disapu ke muka dan sekali untuk disapu ke dua tangan hingga ke siku”.

(Riwayat Imam Al-hakim dan At-Thabrani)

Permasalahan :

Ada pendapat yang mengatakan bahawa Nabi Muhammad S.A.W tidak pernah bertayammum bagi tiap-tiap kali hendak solat fardhu dan tidak pernah menyuruh sedemikian, tetapi tayammum itu pengganti bagi wuduk sebagaimana keadaan wuduk begitu juga tayammum?

Jawapan

Sesungguhnya tayammum itu ialah pengganti wuduk serta juga mandi dan lainnya. Pendapat yang mengatakan ‘sebagaimana keadaan wuduk begitulah juga tayammum’, pendapat itu memang betul pada permulaan Islam di mana ketika itu wajib mengambil wudu’ pada tiap-tiap kali hendak menunaikan solat fardhu sekalipun tiada hadas sepertimana wajib bertayammum bagi tiap-tiap fardhu, kerana Allah berfirman:

إذا قمتم إلى الصلاة فاغسلوا وجوهكم وأيديكم إلى المرافق وامسحوا برءوسكم وأرجلكم إلى الكعبين , وإن كنتم جنبا فاطهروا, وإن كنتم مرضى أو على سفر أو جاء أحد منكم من الغائط أو لمستم النساء فلم تجدوا ماء فتيمموا

Ertinya: “..Apabila kamu hendak mengerjakan solat (padahal kamu berhadas kecil, maka berwuduklah) iaitu basuhlah muka kamu dan kedua belah tangan kamu meliputi siku dan sapulah sebahagian daripada kepala kamu dan basuhlah kedua belah kaki kamu meliputi buku lali dan jika kamu junub (berhadas besar) maka bersucilah dengan mandi wajib dan jika kamu sakit (tidak boleh kena air) atau dalam pelayaran, atau salah seorang daripada kamu datang dari tempat buang air atau kamu sentuh perempuan, sedang kamu tidak mendapati air (untuk berwuduk dan mandi), maka hendaklah kamu bertayammum...” (al-Maidah : 6)

Ayat ini memberi kefahaman bahawa wajib bertayammum bagi tiap solat tetapi kemudiannya dinasakhkan kewajipan mengambil wuduk pada tiap-tiap fardhu pada masa Perang Kandak, maka berkekalan tayammum itu atas asal daripada wajib bertayammum pada tiap-tiap fardhu (tiada mansukh), tambahan lagi telah diriwayatkan pula oleh al-Baihaki daripada Ibnu Umar dengan sanad yang sahih, katanya :

TAHARAH

يُتِمُّ لِكُلِّ الصَّلَاةِ وَأَنْ لَمْ يَحْدَثْ

Ertinya: "Ditayammumkan kerana tiap-tiap solat sekalipun tiada berhadass ia".

Nabi Muhammad S.A.W pernah bertayammum, malah amalan bertayammum adalah salah satu syariatnya sepertimana hadis Ad-Daruqutni daripada Ibnu Abbas R.A., katanya :

من السنة أن لا يصلي الرجل بالتيمم إلا صلاة واحدة ثم يتيمم للصلاة الأخرى

Ertinya: "Sebahagian daripada Sunnah Nabi Muhammad S.A.W (syariatnya) bahawa tiada solat seorang lelaki dengan tayammum melainkan satu solat, kemudian tayammum ia kerana solat yang lain).

Nabi juga bersabda : أَيْمًا أَدْرَكْنِي الصَّلَاةَ تِمَمْتُ وَصَلَيْتُ

Ertinya : Dimana-mana mendapat akan daku oleh solat, nescaya aku bertayammum dan bersolat. Umum hadis menunjukkan bahawa Nabi Muhammad S.A.W bertayammum.

Permasalahan :

Bolehkah orang sakit dan orang yang bermusafir (jalan laut dan darat) bertayammum untuk menunaikan solat walaupun ada air?

Jawapan :

Orang yang sakit boleh bertayammum walaupun ada air sekiranya penggunaan air itu memudharatkannya. Manakala orang yang bermusafir, sekiranya ada air, maka tiada dalil yang membolehkannya bertayammum, kerana Allah berfirman :

فَلَمْ تَدُوا مَاءً..⁸

Ertinya : Maka tidak mendapat kamu akan air

Ulama tafsir mengatakan bahawa ayat ini ditujukan kepada selain daripada orang sakit iaitu orang yang bermusafir, orang yang berhadass dan orang yang menyentuh perempuan. Nabi Muhammad S.A.W bersabda :

ان الصعيد الطيب طهور المسلم وان لم يجد الماء عشر سنين فائذا وجد الماء بشرته فائن ذلك خير⁹

8 Surah An-nisa'. Ayat 42

9 Hadis riwayat at-Tirmizi, M.s. 117, Juzuk ke 2.

TAHARAH

Ertinya : Bahawasanya tanah yang baik menyucikan akan orang Islam, sekalipun tiada mendapat ia akan air sepuluh tahun, maka apabila mendapat ia akan air, maka hendaklah ia menyentuhkan air akan kulitnya, maka yang demikian itu adalah baik (wajib).

Permasalahan :

Adakah dalil yang mengatakan batal wuduk seseorang yang tidur nyenyak dan menyentuh kemaluan?

Jawapan

Sebahagian daripada perkara yang membatalkan wuduk itu ialah tidur yang tidak tetap papan punggungnya. Sofwan bin 'Asal R.A meriwayatkan hadis, katanya :

كان النبي ﷺ يأمرنا اذا كنا سفرا ان لا ننزع خفافنا ثلاثة أيام ولياليهن الا من جنابة و لكن من غائط و بول ونوم¹⁰

Ertinya : Rasulullah S.A.W memerintahkan kami, apabila kami bermusafir, kami tidak dibenarkan mencabut kasut kami selama tiga hari tiga malam melainkan disebabkan oleh janabah, tetapi boleh dicabut juga disebabkan berak atau kencing atau tidur.

Sabda Nabi Muhammad S.A.W lagi : العینان وكاء السه، فمن نام فليتوضأ¹¹

Ertinya: “ Dua mata itu adalah pengikat bagi dubur (jaga itu dapat menahan barang yang di dalam perut daripada keluar), maka sesiapa yang tidur, maka hendaklah ia mengambil wuduk”.

Manakala hadis Anas R.A : كان أصحاب رسول الله ﷺ على عهدہ ينتظرون العشاء حتى تخفق رئوسهم ثم يصلون ولا توضؤون¹²

Ertinya : “ Para Sahabat Rasulullah S.A.W di zamannya, mereka menunggu untuk solat Isyak sehingga condong kepala mereka (tertidur) kemudiannya mereka bangun bersolat tanpa mengambil wuduk”. Maksud tertidur di sini ialah tidur yang tetap papan punggungnya iaitu tidur yang ringan tanpa menghilangkan akal.

¹⁰ Dirwayatkan oleh asy-syafei, Ibnu majah, an-Nasa'i, Ibnu Hibban, ad-daruqutni dan disahkan oleh at-Tirmizi, Ibnu Khu zaimah dan al-Khattabi

¹¹ Riwayyat al-Imam Ahmad, Abu daud, Ibnu Majah daripada Saidina Ali Karamallah Wajhah.

¹² Dikeluarkan oleh Abu Daud dan disahkan oleh ad-Daruqutni

TAHARAH

Yang penting ialah, beramal dengan segala dalil lebih baik daripada beramal dengan sesetengah dalil sahaja.

Sebahagian daripada perkara yang membatalkan wuduk ialah menyentuh kemaluan manusia dengan tapak tangan atau perut jari tangan tanpa berlapis. Ini berpandukan kepada hadis Busrah R.A daripada Nabi Muhammad S.A.W :

من مس ذكره فليتوضأ¹³

Ertinya: Sesiapa yang menyentuh zakarnya maka hendaklah ia berwudu'''

Hadis Busrah ini dikuatkan lagi oleh beberapa hadis yang lain yang telah diceritakan daripada tujuh belas orang Sahabat dan segala hadis yang menunjukkan bahawa menyentuh kemaluan tidak membatalkan wuduk semuanya telah mansuh dan dengan kata lain, segala hadis yang menunjukkan membatalkan wuduk itu lebih kuat dan lebih sahih daripada segala hadis yang menunjukkan tidak batal. Ini disebabkan lebih ramai ulama hadis yang menghukumkannya dengan sahih dan lebih banyak hadis yang menguatkannya (batal wuduk).

Permasalahan :

Benarkah pendapat yang mengatakan, orang-orang yang sudah bersuci, kalau tersentuh atau menyentuh perempuan, tidak membatalkan wuduk, tayammum dan mandinya?

Jawapan :

Sebahagian daripada perkara yang membatalkan wuduk dan tayammum ialah bersentuhan dua kulit lelaki dan perempuan yang tidak muhrimnya dan kedua-duanya sudah ada keinginan syahwat. Dalilnya ialah firman Allah Taala :

أَوْ لَا مَسْتَمِئَ النِّسَاءِ

Ertinya : Atau tidak menyentuh kamu akan perempuan

Ibnu Umar R.A. mentafsirkan ayat ini dengan maksud menyentuh dengan tangan. S. Ali dan Ibnu Abbas R.A. mentafsirkan maksud sentuh itu ialah bersektubuh.

Kami mengikut akan tafsir Ibnu Umar R.A. disebabkan oleh beberapa perkara

13 Riwayat al-Imam Ahmad, Abu Daud, Tirmizi, an-Nasa'i, Ibnu Majah dan disahkan oleh al-Tirmizi dan Ibnu Hibban. Al-Bukhari mengesahkan. Dikeluarkan juga oleh al-Syafie, Ibnu Khuzaimah, al-Hakim dan Ibnu al-Jarut. Ad-Daraqutni berkata, Hadis ini shahih tsabit dan disahkan oleh Yahya Ibnu Muain, al-Baihaqi dan al-Hazimi. Kitab Subulus salam. M.s. 99. Juzuk 1

TAHARAH

1. Sentuhan dengan tangan itu makna hakiki lagi asli sedangkan setubuh itu makna majazi bagi لا مس. Telah maklum di dalam Ilmu bayan bahawasanya tidak dipakai lafaz itu pada makna majazi melainkan apabila ada sebab yang menegah daripada dikehendaki akan makna asli dan di sini tidak ada sebab yang menegah daripada menghendaki makna asli.
2. Kerana bacaan لمستم telah dibaca oleh Hamzah dan al-Kisaie daripada kalangan qiraat yang tujuh dengan tiada Alif pada surah an-Nisa' dan surah al-Maidah. Tidak ada syak bahawasanya setengah qiraat itu mentafsirkan ia qiraat yang lain dan asal pada dua qiraat itu muwafaqah (bersetuju) pada makna. Kata ulama lughah :

لمسه لمسا من باي قتل و ضرب اقضى اليه باليد

Ertinya “ menyentuh ia akan sentuhan daripada dua bab ضرب dan قتل sampai ia kepadanya dengan tangan.

3. Di 'atofkan perkataan menyentuh itu datang daripada tempat qada' hajat dan keduanya disusun akan perintah tayammum ketika ketiadaan air. Oleh itu, jelas ia menunjukkan bahawa perkataan menyentuh itu adalah hadas kecil.

Adapun hadis Siti Aisyah R.A yang menceritakan :

ان النبي ﷺ قبل بعض نسائه ثم خرج الى الصلاة ولم تتوضأ

Ertinya : “ Bahawasanya Nabi Muhammad S.A.W mengucap sesetengah isterinya kemudian baginda keluar untuk bersolat tanpa mengambil wudu’

(Riwayat al-Imam Ahmad)

Al-bukhari menghukumkan hadis ini sebagai daif manakala an-Nasa'i menghukumnya sebagai hadis mursal. Al-Baihaqi menghukumnya jalan cerita hadis ini sebagai daif manakala hadis mursal di sisi jumhur ulama dan Imam Al-Syafie tidak boleh dijadikan dalil.

Manakala hadis Siti Aisyah di dalam Shahih al-Bukhari yang berbunyi:

انها قالت , كنت انام بين يدي رسول الله ﷺ ورجلاي في قبلته فاذا سجد غمزني فقبضت رجلي فاذا قام بسطتها

TAHARAH

Ibnu Hajar di dalam kitabnya Fathu al-Bari beranggapan (Ihtimal) bahawa Nabi Muhammad S.A.W menyentuh Siti Aisyah dengan berlapik atau ianya sebagai Khususiah. Sebagaimana yang sedia dimaklumi, gugur istidlal apabila datang atas dalil itu oleh Ihtimal.

SOLAT



Permasalahan :

Manakah dalil-dalil tentang fadilat atau kelebihan menutup kepala di dalam solat (memakai kopiah atau serban)?

Jawapan

Banyak dalil-dalil tentang kelebihan menutup kepala (berserban) ketika solat. Antaranya hadis yang diriwayatkan oleh Muslim :

خطب ﷺ و عليه عمامة السوداء قد أرخى طرفه بين كتفيه

Ertinya ; “ Rasulullah S.A.W berkhutbah dengan memakai serban hitam dan baginda menjatuhkan tepinya (ekor serban) di antara dua belikatnya ”

(Hadis shahih)

Al-Imam Ahmad di dalam musnad hadisnya meriwayatkan :

انه صلى الله عليه وسلم عمم عليا يوم غدير خم بعمامة سد لها خلفه وقال : ان الله أمدنى يوم بدر و حنين بملائكة يعتمون هذه العمامة حاجزه بين الكفر و الايمان .

Ertinya : “ Nabi Muhammad S.A.W memakaikan serban kepada Saidina Ali R.A. pada hari Ghodir Khum (nama tempat di antara Mekah dan Madinah) dengan melepaskan ekor serban ke belakang dan bersabda : Sesungguhnya Allah Taala membantuku pada Perang badar dan Perang Hunain dengan para malaikat yang memakai serban. Serban itu membezakan aku di antara kufur dan iman”.

Kata Ibnu Hajar di dalam kitab Du al-Ghamamah bahawasanya hadis ini adalah hadis hasan. Katanya lagi, diambil faedah dari hadis ini tentang sunniyyatul al-‘imamah (sunnah berserban). Dalil yang lain , Sabda Rasulullah S.A.W :

اعتموا تزدادوا حلما

Ertinya: Pakailah olehmu akan serban nescaya kamu bertambah lembut (lambat marah).

Mentashihkan hadis ini oleh al-hakim manakal al-Jauzi berkata hadis ini adalah hadis maudu’. Antara dalil-dalil ;

SOLAT

كان ﷺ اذا اعتم سدل عمامته بين كتفيه

Ertinya: Apabila Rasulullah S.A.W memakai serban, baginda akan melepaskan ekor serbannya di antara dua belikatnya”.

Kata Ibnu Hajar al-Haitami, hadis ini hadis hasan lagi ghorib.

Abu Daud meriwayatkan :

عمم صلى الله عليه وسلم ابن عوف فسدلها بين يديه ومن خلفه

Ertinya : “ Nabi Muhammad S.A.W memakaikan serban kepada Abd. Rahman bin ‘Auf dengan melepaskan ekor serban itu di hadapan dan dari belakangnya’ (Maksudnya satu ekor di hadapan dan satu di belakang)

Solat yang tidak menutup kepala menyerupai perbuatan Nasrani dan kita dilarang menyerupai mereka di dalam semua ibadat.

AZAN

Permasalahan :



Benarkah azan dan iqamah itu hanya untuk solat lima waktu dan solat Jumaat sahaja.?

Jawapan

Tidak benar. Azan dan iqamah digunakan pada banyak tempat, antaranya kanak-kanak yang baru dilahirkan sunat diazankan pada telinga. Ini berdasarkan hadis Rasulullah S.A.W yang diriwayatkan oleh Abi Rafi' R.A. :

رَأَيْتُ ﷺ أَدْنَى فِي أُذُنِ الْحَسَنِ بْنِ عَلِيٍّ حِينَ وَلَدَتْهُ فَاطِمَةُ
بِالصَّلَاةِ رَضِيَ اللَّهُ عَنْهُمْ¹⁴

Ertinya : “ Aku melihat Rasulullah S.A.W azan di telinga Hassan bin Ali ketika mana ia baru dilahirkan oleh ibunya Fatimah seperti azan solat”.

At-Tirmizi berkata, hadis ini hasan lagi

Azan juga digunakan ketika mana melihat seseorang itu akan hantu jelmaan , syaitan dan juga jin. Al-Imam An-Nawawi berkata di dalam kitab Al-Azkar : “ Telah di riwayat oleh kami di dalam kitab Ibnu as-Sunni daripada Jabir R.A. bahawasanya Nabi Muhammad S.A.W pernah bersabda :

اِذَا تَغَوَّلْتُ لَكُمْ الْغِيلَانَ فَنَادُوا بِالْأَذَانِ¹⁵

Ertinya : Apabila nyata dan berwarna dengan rupa yang ber-salah-salahan oleh tukang-tukang sihir daripada jin dan syaitan, maka serulah oleh kamu dengan laungan azan” maksudnya: Tolak oleh kamu akan kejahatan itu dengan azan. Tolak oleh kamu akan kejahatan itu dengan azan.

Disebut juga di dalam al-jami' as-Soghiri bahawa Rasulullah S.A.W bersabda :

اِذَا تَغَوَّلْتُ لَكُمْ الْغِيلَانَ فَنَادُوا بِالْأَذَانِ فَاتِ الشَّيْطَانِ اِذَا سَمِعَ النَّدَاءَ أَدْبَرَ لَهُ
حِصَا ص

Ertinya : “ Apabila zahir dan nyata bagi kamu oleh tukang sihir daripada jin dan syaitan, maka serulah dengan laungan azan, kerana sesungguhnya syaitan akan berpaling dan lari kerana bersangatan takut”

Hadis ini diceritakan oleh at-Tabroni daripada Abi Hurairah R.A.

¹⁴ Jami' as-Soghiri. Hadis no. 7167

¹⁵ Hadis Jabir r.a. di dalam al-Azkar.m.s. 287

AZAN

Permasalahan : 

Apabila bilal membaca , قد قامت الصلاة , قد قامت الصلاة , bolehkah kita menjawab dengan أقامها الله وأدامها ؟

Jawapan : 

Ya. Benar. Abu Daud di dalam Sunannya menceritakan daripada Abi Umamah R.A. atau daripada sebahagian Sahabat Nabi Muhammad S.A.W. :

ان بلالا أخذ في الأقامة, فلما أن قال : قد قامت الصلاة, قال النبي ﷺ : أقامها الله و أدامها

Ertinya : “ Bahawasanya Bilal R.A. bangun melaungkan iqamah. Ketikamana beliau berkata , قد قامت الصلاة قد قامت الصلاة , Rasulullah S.A.W menjawab : أقامها الله و أدامها

(Mudah-mudahan Allah Taala mendirikannya dan mengekalkannya).

Al-Imam an-Nawawi di dalam kitab al-Azkar menyatakan : “ Apa yang diceritakan oleh Abu Daud di dalam Sunannya tanpa menyebut daifnya hadis, maka hadis itu pada sisinya (Abu Daud) adalah shahih atau hasan dan boleh dibuat hujah.

NIAT SOLAT

Permasalahan :



Apakah benar menyebut lafaz niat solat dengan lidah seperti أصلى فرض الظهر أربع ركعات لله تعالى itu bidaah dan tidak pernah dilakukan oleh para Sahabat dan juga Imam mazhab yang empat ?

Jawapan



Tidak benar dan bukannya bidaah kerana banyak perkara yang tidak dilarang untuk mengerjakannya. Dalil agama itu bukan hanya perbuatan dan perkataan Nabi Muhammad S.A.W sahaja bahkan jadi dalil oleh al-Quran, Ijma' dan Qias.

Para ulama kita yang mengatakan bahawa sunat berlafaz dengan yang diniatkan sebelum takbiratul ihram, maka mereka telah mendatangkan dalil dan illah seperti berikut :

- 1- Di giaskan dengan niat haji yang dituturkan oleh Rasulullah S.A.W. Di dalam Shahih al-Bukhari, Saidina Umar bin al-Khattab R.A. berkata: "Aku dengar Rasulullah S.A.W. bersabda di Wadi 'Atiq ; Jibrail datang kepadaku lalu ia berkata: *صل في هذه الوادي وقل عمرة في حجة* ,
Ertinya : Solat olehmu di Wadi ini dan katakanlah : Aku jadikan ibadah ini sebagai umrah yang dimasukkan di dalam haji".
- 2- Supaya menolong oleh lidah akan hati.
- 3- Supaya keluar daripada khilaf mereka yang mewajibkan berlafaz dengan yang diniatkan pada tiap-tiap ibadah.

Takrif bidaah ialah :

ما لم يقم دليل شرعي على أنه واجب أو مستحب سواء أفعّل في عهده
ﷺ أم لم يفعل كما في الفتاوى الحديثة لابن حجر الهيتمي في صحيفة²⁰⁰

Ertinya : Apa yang tidak disandarkan kepada dalil syarak bahawasanya sesuatu itu wajib atau sunat, samada dilakukan pada masa hayat Rasulullah S.A.W. atau tidak pernah dilakukannya

Contohnya ialah solat terawih secara berjamaah. Perkara ini tidak pernah dilakukan oleh Rasulullah S.A.W. tetapi dilakukan oleh Saidina Umar al-Khattab R.A.

NIAT SOLAT

Permasalahan :



Kita tidak digalakkan membaca Basmalah (بِسْمِ اللَّهِ الرَّحْمَنِ الرَّحِيمِ) dengan suara yang nyaring kerana Rasulullah S.A.W. lebih banyak membaca Basmalah dengan suara perlahan. Apakah ada dalil Basmalah boleh dibaca dengan kuat (nyaring)?

Jawapan

بِسْمِ اللَّهِ الرَّحْمَنِ الرَّحِيمِ adalah satu ayat daripada Surah Al-Fatihah dan satu ayat daripada segala surah kecuali Surah At-Taubah. Apabila dituntut memperlahankan suara ketika membaca fatihah, nescaya dituntut juga memperlahankan suara ketika membaca Basmalah dan jika dituntut menyaringkan suara ketika membaca fatihah maka demikian juga dituntut menyaringkan suara ketika membaca Basmalah.

Dalil sunat menyaringkan Basmalah di dalam solat yang disunatkan menyaringkan fatihah itu banyak, di antaranya hadis daripada Nuaim al-Mujammir, katanya :

صليت وراء أبي هريرة رضى الله عنه، فقرأ بِسْمِ اللَّهِ الرَّحْمَنِ الرَّحِيمِ ثم قرأ بأم القرآن، حتى اذا بلغ ولا الضالين قال أمين، ويقول كلما سجد، واذا قام من الجلوس الله أكبر، ثم يقول اذا سلم : والذي نفسى بيده انى لأشبهكم صلاة برسول الله عليه وسلم¹⁶

Ertinya : " Aku bersolat di belakang Abu Hurairah R.A., Ia membaca Basmalah kemudian membaca fatihah sehingga apabila sampai ولا الضالين, ia berkata Amin, dan berkata ia " Allahu Akbar" pada tiap-tiap sujud dan apabila bangun dari sujud. Setelah memberi salam, ia berkata " Demi Tuhan yang rohku ditanganNya, bahawa sesungguhnya solatku lebih menyerupai solat Rasulullah S.A.W. daripada kamu". (Hadis ini diceritakan oleh an-Nasa'i, Ibnu Khuzaimah dan disebut juga oleh al-Bukhari, as-Siraj dan Ibnu Hibban.

Perkataan yang menyatakan bahawa Rasulullah S.A.W. lebih banyak memperlahankan suaranya ketika membaca Basmalah, ini dilakukan di dalam solat Zohor, Asar, rakaat ketiga bagi solat Maghrib dan rakaat ketiga dan keempat bagi solat Isyak.

¹⁶ Subulus Salam.m.s.265, juzuk 1

NIAT SOLAT

Permasalahan :



Di dalam solat apakah kita disuruh menyaringkan bacaan fatihah dan surah?

Jawapan :



Kita disuruh menyaringkan bacaan fatihah dan surah di dalam solat Maghrib dan Isyak pada rakaat pertama dan kedua, solat Jumaat, solat dua hari raya dan solat yang digalakkan dilakukan pada malam hari seperti solat terawih, witr dan solat gerhana bulan.

Permasalahan :



Adakah kita disunatkan membaca اللهم اغفر لي atau رب اغفر لي diantara bacaan fatihah dan amin ?

Jawapan :



Memang kita disunatkan membaca doa itu. Ini berdasarkan hadis hasan bahawa Nabi Muhammad S.A.W. membaca doa tersebut. Ibnu hajar menyebut di dalam kitab at-Tuhfah, muka surat 49, juzuk yang kedua.

((نَعَمْ يَنْبَغِي اسْتِثْنَاءُ نَحْوِ رَبِّ اغْفِرْ لِي لِلْحَبَرِ الْحَسَنِ { أَنَّهُ صَلَّى اللَّهُ عَلَيْهِ وَسَلَّمَ قَالَ عَقَبَ الصَّالِينَ رَبِّ اغْفِرْ لِي آمِينَ })).....

((قَوْلُهُ يَنْبَغِي اسْتِثْنَاءُ نَحْوِ رَبِّ إِنْ شَاءَ (وَيَنْبَغِي أَنَّهُ لَوْ زَادَ عَلَى ذَلِكَ وَلِوَالِدِيَّ وَلِجَمِيعِ الْمُسْلِمِينَ لَمْ يَضُرَّ أَيْضًا عَشْرُ (قَوْلُهُ رَبِّ اغْفِرْ لِي) يَنْبَغِي نَدْبُهُ لِلْحَدِيثِ الْمَذْكُورِ وَعَلَيْهِ يَنْبَغِي أَنْ يَفْصَلَ بَيْنَهُ وَبَيْنَ آخِرِ الْقَاتِحَةِ لِمَا مَرَّ مِنَ التَّمْيِيزِ بَصْرِيٍّ))

Permasalahan : 

Bolehkah kita bertawassul dalam berdoa kepada Allah?

Jawapan 

Ijma' ulama bersepakat bahawa boleh bertawassul. Ini berdasarkan hadis shahih tentang bagaimana kisah tiga orang sahabat terperangkap di dalam sebuah gua dan mereka tidak dapat keluar kerana pintu gua tersebut tertutup dari luar. Mereka kemudiannya masing-masing bertawassul dengan amalannya yang ikhlas dan seterusnya mereka dapat keluar dari gua tersebut dengan izin Allah Taala. Kisah ini diriwayatkan oleh Al-Bukhari dan Muslim daripada Abdullah bin Umar R.A.¹⁷

Seorang buta telah datang kepada Nabi Muhammad S.A.W. dan mengadu tentang penglihatannya. Rasulullah S.A.W. bertanya kepadanya; “Apakah kamu tidak sabar ?. Jawab si buta tersebut : Wahai Rasulullah! Tidak ada yang mahu memimpinku dan ianya menyukarkanku. Jawab Rasulullah : Jika kamu mahu, biarkan begitu kerana ia lebih baik bagimu dan jika kamu mahukan aku berdoa bagi memulihkan penglihatanmu , nescaya aku berdoa untukmu. Jawab si buta tersebut: Berdoalah ya Rasulullah.” Rasulullah S.A.W. menyuruh si buta tersebut mengambil wuduk lalu si buta tersebut berdoa dengan doa ini:

اللهم انى أسألك و اتوسل اليك بنبيك نبي الرحمة يا محمد يا رسول الله انى أتوجه بك الى ربى فى حاجتى هذه لتقضى , اللهم فشفعه فى وشفعنى فى نفسى

Ertinya “ Ya Allah! Aku pohon pada-Mu dan aku bertawassul kepadaMu melalui Nabi-Mu, Nabi Rahmah. Ya Muhammad, Ya Rasullallah! Aku berhadap dengan dikau kepada Tuhanku mengenai hajatku ini agar ianya diterima. Ya Allah! Terima oleh-Mu akan syafaatnya untukku dan syafaatku untuk diriku, maka kembalikanlah penglihatanku”. Hadis ini diceritakan oleh at-Tirmizi dengan sanad yang shahih lagi gharib.

Permasalahan : 

Rujukan kita adalah kepada al-Quran dan as-Sunnah. Bolehkah kita bertaqlid kepada perkataan ulama ?

DOA

Jawapan:

Kita dibolehkan bertaqlid pada simpulan iman dan tidak diharuskan bertaqlid pada perkara usuluddin, bahkan sebahagian ulama berpendapat bahawa bertaqlid pada permasalahan tauhid itu dilarang dan boleh menjadi kufur.

Kita (orang awam) diharuskan bertaqlid pada segala permasalahan cabang agama disebabkan oleh beberapa faktor :

- 1- Tiada dalil. Tidak ada dalil dari al-Quran dan al-Hadis dan yang lain daripada keduanya yang menunjukkan larangan bagi orang awam bertaqlid didalam permasalahan cabang agama.
- 2- Bahawasanya para Sahabat Muhammad S.A.W. tidak melarang orang-orang awam bertaqlid kepada sebahagian daripada pendapat para Sahabat.
- 3- Mengharamkan taqlid ke atas orang awam dan mewajibkan mereka berijtihad akan membebani mereka kerana mereka tidak akan mampu untuk berijtihad. Sesungguhnya taqlid orang-orang awam akan imam-imam mereka yang mujtahidin tiada berlawanan sekali dengan berpegang kepada al-Quran dan al-Hadis kerana orang awam itu tiada berkemampuan untuk mengeluarkan hukum dari al-Quran dan al-Hadis dan mereka cuma mengambil hukum yang dikeluarkan oleh imam-imam mereka berdasarkan al-Quran dan al-Hadis.

Permasalahan :

Nabi Muhammad S.A.W. memerintahkan kita supaya membaca tasbih di dalam rukuk dan sujud. Apakah perintah itu menunjukkan dalil wajib kita membaca tasbih ketika rukuk dan sujud ?

Jawapan:

Perintah itu memang benar tetapi perintah itu bukanlah wajib malah ia adalah perintah sunat. Dalilnya ialah apa yang diriwayatkan oleh Khallad bin Rafi'

R.A. di dalam *المسئ صلاته* katanya bahawa Nabi Muhammad S.A.W. tidak mengajarnya membaca tasbih di dalam rukuk dan sujud dan sekiranya membaca tasbih itu hukumnya wajib maka sudah pastilah Nabi Muhammad S.A.W. akan menyuruh Khallad membacanya.

DOA

Permasalahan: 

Berapa lamakah kadar berhenti di dalam Iktidal ?

Jawapan: 

Keharusan memanjangkan Iktidal dan duduk di antara dua sujud adalah qaul daif di dalam mazhab Syafie. Qaul yang mu'tamad ialah tidak boleh dipanjang kerana keduanya rukun pendek serta tiada dalil wajib zikir pada keduanya.

Permasalahan : 

Apakah ada perbezaan di antara lelaki dan perempuan di dalam perlakuan sujud ?

Jawapan: 

Ya ! Perempuan menyalahi lelaki di dalam perlakuan sujud. Abu Daud meriwayatkan di dalam Marasilnya, daripada Zaid bin Abi Habib, katanya :

أن النبي صلى الله عليه وسلم مر على امرأتين تصليان فقال اذا سجدا فضا
بعض اللحم الى الأرض

Ertinya : “ Bahawasanya Nabi Muhammad S.A.W. lalu di hadapan dua orang perempuan yang sedang solat lalu bersabda, Apabila kamu sujud maka himpunkan olehmu setengah daging kepada bumi”.

Permasalahan : 

Benarkan bacaan tasbih di dalam rukuk itu dan sujud disunatkan sebanyak sepuluh kali dan tidak ada penambahan ويحمده ؟

Jawapan: 

Sebenarnya boleh dibaca tasbih itu lebih daripada 10 kali kerana Nabi Muhammad S.A.W. pernah membacanya lebih daripada 10 kali dan Nabi Muhammad S.A.W. sendiri tidak pernah melarang membacanya lebih daripada 10 kali dan tidak ada hadis yang menentukan bahawa bacaan tasbih itu mesti 10 kali sahaja. Kita hendaklah mencontohi Nabi Muhammad S.A.W. di dalam segala bentuk kehidupan termasuklah dalam bab ibadah. Sunat kita mengikut segala perbuatannya begitulah juga di dalam bacaan tasbih ketika rukuk dan sujud. Nabi Muhammad S.A.W. membaca tasbih dengan menambah ويحمده sepertimana diceritakan oleh Abu Daud di dalam Sunannya daripada 'Uqbah bin 'Amir R.A. katanya :

DOA

فكان رسول الله صلى الله عليه وسلم اذا ركع قال " سبحان ربي العظيم وبحمده
" ثلاثا واذا سجد قال سبحان ربي الأعلى وبحمده ثلاثا

Maksudnya " Maka adalah Rasulullah S.A.W. apabila rukuk, ia membaca
tiga kali dan apabila sujud, baginda membaca
tiga kali".¹⁸

Hadis ini dijadikan dalil oleh ulama kita atas penambahan tasbeeh و بحمده ketika
rukuk dan sujud dan hadis ini tidak boleh dikatakan hadis daif kerana semua
hadis di dalam Sunan Abi Daud bukanlah daif dan boleh dijadikan dalil.

Permasalahan :

**Apakah kita disunatkan duduk istirahat ketika bangun dari sujud
dan bagaimanakah cara yang betul ketika bangun ?**

Jawapan

Kita disunatkan duduk istirahat ketika bangun dari sujud pada rakaat pertama
dan ketiga. Ini berdasarkan hadis Nabi Muhammad S.A.W. yang diceritakan
oleh Al-Bukhari daripada Malik bin al-Harith R.A. :

أنه رأى النبي ﷺ : يصلي فاذا كان في وتر من صلاته لم ينهض حتى يستوي
قاعد (وفي لفظ له : فاذا رفع رأسه من السجدة الثانية جلس واعتمد على
الأرض ثم قام)¹⁹

Ertinya : Bahasanya melihat ia (Malik bin al-Harith) akan Nabi
Muhammad S.A.W.: Rasulullah S.A.W sedang solat, maka apabila
baginda bangun pada rakaat pertama dan ketiga, baginda tidak terus
bangun bahkan baginda duduk sebagaimana duduk di antara dua sujud
dan dalam lafaz yang lain, maka apabila baginda mengangkat kepalanya
daripada sujud yang kedua, nescaya baginda duduk dan baginda
berpegang pada bumi kemudian barulah baginda bangun".

¹⁸ Hadis di dalam Sunan Abi Daud m.s.219. Juzuk 1. Hadis no : 87.

¹⁹ Hadis disebut didalam Subulus Salam. M.s. 283. Juzuk 1

DOA

Abu Daud telah mengeluarkan hadis daripada hadis Abi Humaid R.A. berkenaan sifat solat Nabi Muhammad S.A.W, katanya :

“ ثم أهوى ساجدا ثم ثنى رجله وقعد حتى رجع كل عضو في موضعه ثم نهض ”

Ertinya “ Kemudian baginda turun sujud, kemudian baginda melipat kedua kakinya dan baginda duduk hingga kembali tiap-tiap anggota itu pada tempatnya kemudian barulah baginda bangun”.

Duduk istirahat itu hukumnya sunat dan dengan sebab itu sebahagian para Sahabat tidak mengamalkannya.

Permasalahan :

Apakah hukum membaca Fatihah tanpa membaca taawiz أعوذ بالله من الشيطان الرجيم ?

Jawapan

Bertaawiz pada tiap-tiap rakaat adalah sunat. Dalilnya, firman Allah Taala :

“ فاذا قرأت القرآن فاستعذ بالله من الشيطان الرجيم ”²⁰

Maksudnya : “ Apabila kamu hendak membaca al-Quran, maka berlingkunganlah olehmu dengan Allah Taala daripada syaitan yang direjam”.

Ulama Usul Fiqh berkata, (sesungguhnya perintah bertaawiz tidak memberi faedah ia akan berulang-ulang) tempatnya selama tiada perintah lain yang menunjukkan dikehendaki berulang-ulang. Di dalam ayat tadi didapati perintah, iaitu taklik dengan syarat (فاذا قرأت), maka ia bermaksud berulang-ulang taawiz itu dengan berulang-ulang membaca. Ayat ini dibandingkan dengan ayat²¹ وان كنتم جنبا فاطهروا, ertinya “ dan jika kamu berhadass besar maka bersuci olehmu dengan mandi”. Maka berulang-ulang perintah mandi disebabkan berulang-ulang berhadass besar. Maka berulang-ulang sunat bertaawiz pada tiap-tiap rakat disebabkan berulang-ulang membaca al-Quran.

Permasalahan :

Kenapakah kita dikehendaki menggoyang-goyangkan jari telunjuk ketika membaca tahiyat?

20

Surah an-Nahl ayat 98.

21

Surah al-Maidah ayat 7

Jawapan

Mengangkat telunjuk pada ketika berkata (لا اله الا الله) dalam tahiyyat itu sunat kerana mengikut perbuatan Rasulullah S.A.W. Ada pun menggoyang-goyang jari telunjuk itu bukanlah sunat malah ada pendapat yang mengatakan perbuatan itu adalah haram lagi membatalkan solat kerana berturut-turut goyongannya lebih daripada tiga kali. Dalilnya, hadis Ibnu az-Zubair r.a katanya :

انه ﷺ كان يشير بالسبابة ولا يحركها²²

Ertinya : “ Sesungguhnya Nabi Muhammad S.A.W. mengisyaratkan dengan telunjuk dan tidak menggerak-gerakkannya.

(Hadis ini diceritakan oleh Imam Ahmad, Abu daud, an-Nasa'i dan Ibnu Hibban didalam Shahihnya)

Permasalahan :

Benarkan membaca سيدنا pada lafaz أَشْهَدُ أَنْ مُحَمَّدًا رَسُولُ اللَّهِ itu bidaah dan salah ?

Jawapan

Menambah lafaz سيدنا pada أَشْهَدُ أَنْ مُحَمَّدًا رَسُولُ اللَّهِ itu hukumnya harus dan berlaku atas adab, kerana beberapa sebab:

- 1- Kerana ketiadaan dalil atas larangannya. Adapun hadis لا تسيدوني ﷺ ertinya “ Jangan kamu jadikan aku penghulu di dalam solat”, hadis ini adalah hadis maudu'. Manakala sebahagian pendapat menceritakan bahawa sebahagian Sahabat memanggil Nabi Muhammad S.A.W. dengan “ Ya Saidina”, lalu Nabi melarang mereka dengan sabdanya “ لا تقل ذلك إنما السيد لله “ “ Jangan kamu berkata demikian kerana penghulu itu hanya milik Allah”. Hadis ini ditolak kerana Nabi Muhammad S.A.W. bagaikan merendah diri kerana sememangnya penghulu mutlak adalah Allah Taala semata-mata.

DOA

2- Kerana Allah Taala pernah berfirman kepada Nabi Allah Yahya, A.S :
وسيدا و حصورا , Ertinya “ dan penghulu serta yang tertegah daripada perempuan dan ikhtiar”. Maka apabila harus dipanggil Saidina kepada Nabi Allah Yahya A.S, maka sudah tentu harus kepada Nabi Muhammad S.A.W. kerana baginda lebih afdal dan aula.

3- Kerana Nabi Muhammad S.A.W. pernah bersabda dalam hadis yang sahih:

أنا سيد ولد آدم يوم القيامة ولا فخر

Ertinya: Aku adalah penghulu sekalian anak cucu Adam pada hari kiamat kelak dan tanpa bermegah-megah (aku bersyukur bukan kerana bermegah-megah) ”.

4- Kerana datang lafaz “Saidina” pada selawat selepas azan. Disebut didalam kitab Kanzul ‘Ummal ditepi Musnad al-Imam Ahmad, muka surat 280, juzuk yang ketiga,

إذا سمع النداء بالصلاة فكبر المنادى فيكبر ويشهد أن لا إله إلا الله و
يشهد أن محمدا رسول الله فيشهد على ذلك ويقول : اللهم أعط سيدنا محمدا
الوسيلة واجعل في العالمين درجته وفي المصطفين محبته وفي المقربين ذكره
إلا وجبت له الشفاعة مني يوم القيامة

Hadis riwayat Ibnu as-Sina daripada Ibnu Mas’ud R.A., ertinya “ Apabila seseorang itu mendengar azan menyeru solat, maka takbir muazzin, bertakbirlah juga orang yang mendengar, dan apabila muazzin bersaksikan bahawa tiada Tuhan yang berhak disembah melainkan Allah, maka bersaksilah juga orang yang mendengar dan apabila muazzin bersaksikan bahawa Muhammad itu pesuruh Allah, maka bersaksilah juga orang yang mendengar; lalu ia berdoa, “ Ya Allah! Berilah penghulu kami Nabi Muhammad S.A.W. akan al-wasilah (Satu pangkat daripada pangkat-pangkat syurga) dan jadikanlah pada segala yang tinggi itu pangkat baginya dan sekalian yang dipilih akan kasihnya dan pada sekalian yang dihampirkan akan sebutannya, nescaya wajib baginya syafaatku keatasnya pada hari kiamat”.

Permasalahan ;



Apakah sekurang-kurang selawat ke atas Nabi Muhammad S.A.W di dalam tahiyyat?

Jawapan

Firman Allah Taala صلوا عليه merupakan dalil wajibnya selawat dan ijma' ulama bahawa wajib selawat itu adalah didalam solat bukan diluar solat. Sekurang-kurang selawat keatas Nabi Muhammad S.A.W., ialah: اللهم صل على محمد

Permasalahan :

Qunut tidak boleh dibaca pada rakaat kedua solat subuh bahkan qunut hanya boleh dibaca ketika datang bencana atau dengan kata lain qunut nazilah. Qunut rakaat kedua solat subuh tidak pernah diamalkan oleh Rasulullah S.A.W. Apakah pendapat ini benar?

Jawapan

Pendapat ini tidak benar. Membaca doa qunut adalah sunat, kerana itulah Nabi Muhammad S.A.W. kadang-kadang membaca dan kadang-kadang tidak. Doa qunut terbahagi kepada tiga iaitu qunut solat subuh, qunut witir dan qunut kerana turun bala. Dalil ulama diatas sunat membaca qunut solat subuh ialah hadis sahih daripada Anas R.A., katanya :

فأما في الصبح فلم يزل يقرأ حتى فارق الدنيا

Ertinya : “ Maka adapun pada solat subuh, maka Rasulullah S.A.W. sentiasa membaca qunut sehingga melupakan dunia ”.

Hadis ini diceritakan oleh Imam Ahmad dan ad-Daruqutni. Al-Baihaqi meriwayatkan daripada Ibnu 'Abbas R.A. bahawa,

كان رسول الله ﷺ يعلمنا دعاء ندعو به في القنوت من صلاة الصبح

Ertinya, “ Rasulullah S.A.W mengajar kami doa yang perlu dibaca didalam qunut solat subuh.

Dalil bagi qunut witir ialah hadis daripada Hassan bin 'Ali R.A. katanya,:

علمني رسول الله ﷺ كلمات أقولهن في قنوت الوتر اللهم اهديني في
من هديت.. الحديث²³

Ertinya “ Rasulullah S.A.W. mengajar aku beberapa perkataan yang perlu aku baca di dalam qunut witir

اللهم اهديني في من هديت .. sehingga sempurna ..

²³ Diceritakan oleh Al-Imam Ahmad , Abu Daud, at-Tirmizi, an-Nasa'i dan Ibnu Majah.

DOA

Dalil bagi bacaan qunut kerana turun bala ialah hadis daripada Anas R.A., katanya : *ان رسول الله ﷺ قنت شهرا بعد الركوع يدعو على أحياء العرب ثم تركه* .

Artinya, “ Bahawasanya Rasulullah S.A.W membaca qunut selepas ruku' selama sebulan bagi mendoakan beberapa puak dari kalangan 'Arab (Puak Ri'il, puak 'Usaiyyah dan puak Bani Lehyan) kemudian baginda tidak lagi membacanya”.

Hadis ini diceritakan oleh al-Bukhari dan Muslim dan perkataan Anas R.A

(ثم تركه) bermaksud pada yang lain daripada qunut subuh.

Al-Imam an-Nawawi di dalam kitabnya al-Azkar menyebut, menceritakan akan dia oleh al-Hakim Abu Abdullah di dalam kitab al-Arbain bahawa hadis qunut adalah sahih.

Ketahuiilah bahawasanya tempat qunut itu pada Mazhab Syafei ialah pada 'Tidal rakaat yang kedua dengan dalil (qias) qunut turun bala. Dalam hadis dengan sanad yang hasan bahawasanya Saidina Abu Bakar, Saidina Umar dan Saidina Uthman membaca qunut selepas ruku' dan pada Mazhab Maliki, tempat qunut itu adalah sebelum ruku'.

Permasalahan :



Ada pendapat yang mengatakan bahawa doa

اللهم أعني على ذكرك و شكرك و حسن عبادتك .. sunat dibaca selepas tahiyat akhir bukannya selepas memberi salam dengan alasan doa yang dibaca di dalam solat lebih diperkenankan Allah?

Jawapan :

Doa tersebut telah diberikan oleh Rasulullah S.A.W kepada Muaz bin Jabal untuk dibaca mengiringi solat (sesudah memberi salam) sepertimana diceritakan oleh al-Imam Ahmad, Abu Daud dan an-Nasa'i .

Permasalahan :



Adakah benar sebahagian ulama hadis membantah tentang adanya qunut dalam solat witir?

DOA

Jawapan 

Dalil bagi qunut solat witir adalah dari hadis soheh yang tersebut didalam Sunan Abi Daud , Tirmizi, an-Nasa'i, Ibnu Majah, al-Baihaqi dan lain daripadanya dengan isnad yang soheh daripada al-hasan bin 'Ali R.A, katanya : "Rasulullah S.A.W mengajar aku beberapa perkataan yang perlu aku baca dalam solat witir, iaitu:

اللهم اهدني فيمن هديت وعافني فيمن عافيت وتولني فيمن توليت وبارك لي
فيما أعطيت وقني شر ما قضيت فانك تقضي ولا يقضي عليك وانه لا يذل
" من واليت تباركت ربنا وتعاليت

Dan dalam satu riwayat lain ada disebutkan oleh al-Baihaqi bahawa Muhammad bin al-Hanafiah iaitu Muhammad bin 'Ali bin Abi Talib R.A. berkata : " Sesungguhnya doa ini ialah doa yang dibaca oleh bapaku ('Ali bin Abi Talib Karramallahu Wajhah) didalam qunut solat subuhnya "²⁴

Permasalahan : 

Ada pendapat mengatakan bahawa solat Jumaat boleh dilakukan sebelum gelincir matahari kerana Rasulullah S.A.W pernah melakukan sedemikian?

Jawapan 

Disyaraikan solat Jumaat itu didalam waktu zohor. Berdasarkan dalil hadis Anas r.a. : كان رسول الله ﷺ يصلي الجمعة اذا ما لت الشمس

Ertinya, " Rasulullah S.A.W menunaikan solat Jumaat apabila tergelincir matahari".

Hadis diceritakan oleh al-Bukhari, Abu Daud dan at-Tirmizi.

Hadis ini memberi faham bahawa Nabi Muhammad S.A.W mengekalkan waktu sembahyang Jumaat itu adalah selepas gelincir matahari kerana Anas R.A., menjadikan فعل مضارع itu خبر bagi كان

Al-Bukhari dan Muslim menceritakan hadis daripada Sahl bin Saad as-Saidi R.A., katanya " ما كنا نكيل ونتغدى الا بعد الجمعة , ertinya " Kami tidak bersenang-senang dan tidak makan tengahari melainkan selepas solat Jumaat". Hadis ini bukan memberi maksud bahawa mereka solat Jumaat sebelum gelincir matahari bahkan penduduk Makkah dan Madinah tidak bersenang-senang dan makan tengahari melainkan selepas solat Jumaat.

²⁴ Hadis didalam al-Azkar m.s. 76 dan didalam Bulughul Maram m.s. 73, Hadis no. 41

Permasalahan :

Empat golongan tidak diwajibkan solat Jumaat iaitu hamba yang dimiliki, perempuan, kanak-kanak dan orang sakit. Adakah mereka ini tidak diwajibkan hadir ke Masjid dan wajib solat di rumah atau kewajipan Jumaat keatas mereka gugur sama sekali?

Jawapan :

Kewajipan Jumaat ke atas kanak-kanak menyalahi ijma' ulama berdasarkan hadis yang diceritakan oleh al-Imam Ahmad, Abu Daud, an-Nasa'i, Ibnu Majah dan al-Hakim sepertimana yang diriwayatkan oleh Sayyidatina Aisyah R.A.

رفع القلم عن ثلاثة : عن النائم حتى يستيقظ وعن المبتلى حتى يبرأ

Ertinya “ Diangkatkan Qalam (kinayah daripada ketiadaan taklif) daripada tiga golongan iaitu orang tidur sehingga ia terjaga, orang yang gila sehingga ia sembuh dan golongan kanak-kanak sehingga ia besar (baligh).

Begitulah juga gugur kewajipan Jumaat ke atas wanita dan orang yang sakit kerana ittifa' ulama kewajipan Jumaat itu dengan syarat sihat tubuh badan dan lelaki. Hamba yang dimiliki gugur Jumaat keatasnya pada sisi jumhur ulama dan wajib Jumaat bagi mereka mengikut Mazhab Daud az-Zohiri.

Permasalahan :

Ada pendapat menceritakan bahawa Nabi Muhammad S.A.W tidak pernah meninggalkan solat Jumaat walaupun ketika musafir dan tidak pernah menggantikan solat Jumaat itu dengan solat zohor?

Jawapan :

Sekiranya benar pendapat ini, kemukakanlah dalil istimewa ketika perjalanan Nabi Muhammad S.A.W di dalam Haji al-Wada'

Permasalahan :

Ada orang mengatakan bahawa solat Jumaat boleh dilakukan seorang diri didalam kebun. Pendapat ini berdasarkan perkataan Ibnu Abbas R.A sepertimana yang diterangkan oleh Imam Asy-Sya'rani didalam Kitab Kasfu al-Ghumah, bahawasanya beliau (Ibnu Abbas) membolehkan seorang lelaki menunaikan solat Jumaat bersendirian di dalam kebunnya, dan beliau juga pernah ditanya,” ...

Permasalahan:



Bolehkan seorang lelaki solat Jumaat sendirian didalam kebunnya?, maka jawab Ibnu Abbas, Boleh! Tak ada keberatan untuk menunaikannya apabila syiar Jumaat terlaksana oleh orang-orang yang lain ?

Jawapan:

Perkataan Ibnu Abbas ini tidak boleh dijadikan dalil kerana :

- 1- Imam asy-Sya'rani di dalam Kitab Kasfu al-Ghummah tidak menyebut sanad hadis dan juga tempat pengambilan hadis. Perkataan yang tiada sanad tidak boleh diterima.
- 2- Tidak juga diketahui sanad yang dibawa sahih atau tidak dan jika sanad tidak sahih, maka tidak boleh di terima.
- 3- Perkataan Ibnu Abbas berkemungkinan adalah ijtihadnya sendiri bukannya yang diceritakan daripada Nabi Muhammad S.A.W. Perkataan Sahabat (dinamakan hadis mauquf) dan tidak boleh dijadikan dalil selagi tiada persepakatan daripada mereka kerana mereka juga tidak maksum dan mungkin mereka tersalah.
- 4- Perkataan itu menyalahi ijma', kerana ijma' ulama mensyaratkan solat Jumaat mestilah secara berjamaah. Al-Imam an-Nawawi R.A. didalam kitab al-Majmu' berkata :

وحكى الدرر عن الفاساني أنها تنعقد بواحد منفرد، والفاساني لا يعتد به
، " بالأجماع ، وقد نقلوا الأجماع أنه لا بد من عدد

Ertinya " Ad-Darami menceritakan daripada al-Fasani bahawasanya tersimpul ia (Jumaat) itu dengan seorang diri dan kesimpulan al-Fasani tidak dipegang oleh ijma' kerana sesungguhnya berijma' ulama bahawa Jumaat itu mestilah dengan berbilang-bilang (jamaah)

- 5- Tidak ada hadis yang membolehkan solat Jumaat itu secara bersendirian (seorang diri)

Permasalahan :

Ustaz Muhammad Rasyid Redha di dalam al-Manar pernah berkata bahawa ulama' berselisih pendapat tentang solat Jumaat, apakah Jumaat itu fardhu yang difardhukan atas dasar asalnya atau atas dasar ganti solat zohor. Adakah kenyataan ini benar ?

Jawapan :

Ustaz Rasyid Redha menulis di dalam al- Manar dan al-Manar itu adalah sebuah akhbar. Betul atau tidak kenyataan itu tidak perlu dibahaskan kerana Rasyid Redha bukan nabi dan al-Manar itu bukannya al-Quran atau kitab hadis. Kita diminta supaya berpegang dan berdalilkan kepada al-Quran dan al-Hadis dan bukan berdalilkan kepada perkataan ulama sekalipun ulama berkenaan adalah Sahabat Nabi Muhammad S.A.W sekiranya mereka itu tidak sepakat.

Permasalahan :

Ada juga yang mengatakan bahawa berjemaah pada solat Jumaat itu bukannya syarat sah Jumaat bahkan ianya sebagai berjemaah seperti solat-solat yang lain?

Jawapan :

Kenyataan ini tiada dalil bahkan ianya menyalahi ijmak' ulama' yang mensyaratkan jemaah itu sebagai syarat sah Jumaat dan setiap perkataan atau kenyataan yang menyalahi ijma' tidak boleh diterima.

Permasalahan :

Azan pada hari Jumaat itu bukanlah dimaksudkan seruan untuk solat Jumaat bahkan seruan itu sendiri ada perbezaannya?

Jawapan :

Sekiranya azan itu bukannya untuk solat Jumaat maka untuk apa seruan (azan) tersebut? Dan sekiranya Jumaat boleh dikerjakan di rumah serta tidak perlu berjemaah, maka apa perlunya azan agar manusia bersolat di satu tempat (Masjid)? Siapakah ulama' yang mentafsirkan ayat " اذا نودى للصلاة من يوم الجمعة " (...apabila diseru untuk solat pada hari Jumaat) bukan seruan untuk solat Jumaat ?

Permasalahan :

Ada sumber sejarah mengatakan bahawa Hajjatu al-Wada' Rasulullah S.A.W. dan hari wuqufnya jatuh pada hari sabtu. Adakah sumber ini benar ?

Jawapan

Sumber sejarah ini tidak tepat sama sekali. Ini berdasarkan hadis sahih yang diriwayatkan oleh al-bukhari dan Muslim daripada Toriq bin Syihab daripada Saidina Umar bin al-Khattab R.A. bahawasanya seorang lelaki Yahudi datang mengadap Amirul Mukminin Saidina Umar lalu berkata , “ Wahai Amirul Mukminin! Satu ayat di dalam kitab kamu (al-Quran), jikalau ayat itu turun keatas perhimpunan kami para penganut Yahudi, nescaya kami jadikan hari turunnya ayat itu sebagai Hari Raya” Saidina Umar bertanya “ Ayat yang mana ?”, Jawab Yahudi tersebut , ayat itu ialah:

اليوم أكملت لكم دينكم وأتممت عليكم نعمتي ورضيت لكم الاسلام دينا

Kata Saidian Umar R.A. “ Sesungguhnya kami tahu hari turunnya ayat tersebut dan kami tahu di mana turunnya ayat itu kepada Nabi Muhammad S.A.W iaitu ketika mana baginda berdiri di Padang Arafah pada hari Jumaat”.

Ibnu Abbas R.A berkata, “ Hari turunnya ayat tersebut adalah hari bagi lima Hari Raya iaitu, hari Jumaat, Hari Arafah, Hari raya Yahudi, Hari raya Krisrian dan Hari raya Majusi. Dan tiada pernah terhimpun semua Hari Raya bagi semua agama pada satu hari sebelum dan selepas hari turunnya ayat tersebut”.

Di dalam Kitab Isyadul as-Sari iaitu syarah kepada Soheh al-Bukhari, juzuk yang pertama pada muka surat 132, tidak ada sebutan mengatakan bahawa hari wuquf Rasulullah S.A.W pada Hajjatul Wada' jatuh pada hari Sabtu dan yang disebutkan adalah pada hari Jumaat.

Al-Hafiz Ibnu Hajar meriwayatkan hadis daripada Ishak bin Qubaisah, “ يوم الجمعة يوم عرفة وكلاهما بحمد الله لنا عيد ” (hari Jumaat lagi Hari Arafah dan tiap-tiap keduanya dengan kepujian Tuhan dan hari raya bagi kami). Jawapan Saidina Umar R.A. itu bererti bahawa Islam menjadikan hari Jumaat itu hari raya dan Hari Arafah itu juga sebagai hari raya (hari raya Qurban).

Permasalahan :

Apakah benar mengerjakan empat rakaat solat zohor pada hari Jumaat itu adalah bid'ah kerana kita telah diwajibkan solat Jumaat dengan dua rakaat?

Jawapan :

Kata-kata ini menyalahi ijma' kerana ijma' ulama ialah wajib mengerjakan solat zohor apabila luput Jumaat dan Jumaat itu sendiri adalah ganti zohor. Solat zohor adalah fardhu yang asal, yang diwajibkannya pada malam isra' sedangkan Jumaat itu terkemudian kefardhuannya. Oleh itu, mengerjakan zohor empat rakaat pada hari Jumaat selepas luput Jumaat kena pada tempatnya. Ijma' ini telah disebut oleh As-Sun'ani didalam Subulus Salam, muka surat 56 pada juzuk yang kedua. Tersebut di dalam Kitab Rahmatul Ummah Fi Ikhtilafi Ummah, muka surat 75 pada tepi al-Mizan al-Kubra.

واتفقوا على أنه اذا فاتتهم صلاة الجمعة صلوا ظهرا

(Telah bersepakat para ulama, apabila kamu luput solat Jumaat maka solatlah zohor). Setiap ijma' ulama tidak dinamakan bid'ah kerana ijma' itu adalah satu dalil daripada segala dalil didalam Islam.

Permasalahan :

Manakah dalil yang membolehkan kita qada' solat ?

Jawapan :

Meninggalkan solat dengan sengaja atau tertidur atau terlupa, wajib diqada'.

Semuanya ada dalil.

Dalil wajib qada' dengan sebab tertidur adalah perbuatan baginda S.A.W sendiri dan perbuatan para Sahabatnya. Dalilnya ialah hadis daripada Anas bin Malik R.A yang diriwayatkan oleh al-Bukhari, Muslim, Abu Daud, at-Tirmizi, an-Nasa'i dan Ibnu Majah, katanya:

من نسي صلاة أو نام عنها فكفارتها أن

(Sesiapa yang lupa solat atau tertidur maka kifaratnya ialah ia perlu mengerjakan solat tersebut apabila ia ingat), dan di dalam riwayat Muslim disebutkan:

من نسي صلاة فليصلها اذا ذكرها لا كفارة لها الا ذلك

(Sesiapa yang lupa solat maka hendaklah ia mengerjakan solat apabila ia ingat dan tiada kifarah baginya melainkan yang demikian (solat semula)).

DOA

Dalil atas wajib qada' solat yang luput dengan sengaja, maka diqiaskan atas tertinggal kerana lupa dan tertidur kerana sedangkan solat yang luput dengan sebab uzur (tertidur dan lupa) yang tiada dosa wajib diganti (qada') apatah lagi solat yang ditinggalkan dengan sengaja.

Permasalahan : 

Benarkan pendapat yang mengatakan bahawa orang yang bermukim boleh menjamakkan solatnya apabila ada keperluan dengan syarat zohor dan asar dikerjakan di dalam waktu asar manakala maghrib dan isya' dilakukan dalam waktu isyak tetapi tidak boleh mengqasarkannya ?

Jawapan 

Pendapat ini tidak benar sama sekali kerana ketiadaan dalil dan tidak ada kezuran bagi solat melainkan lupa dan tidur sahaja. Bahkan menjadi haram menta'khirkan solat daripada waktunya walaupun ada keperluan. Firman Allah Taala : فويل للمصلين الذين هم عن صلاتهم ساهون . قال النبي ﷺ , هم الذين يؤخرون الصلاة عن وقتها

Ertinya : Maka bersangatan siksa bagi sekalian orang yang bersolat yang lali mereka itu dari solat mereka ”

Sabda Nabi Muhammad S.A.W: Mereka itu ialah orang-orang yang menta'khirkan solat daripada waktunya ”. Sabda Nabi Muhammad S.A.W lagi:

. من جمع بين الصلاتين من غير عذر فقد أتى بابا من أبواب الكبائر

Ertinya “Sesiapa yang menghimpunkan dua sembahyang dengan ketiadaan uzur, maka sesungguhnya telah datang kepadanya satu pintu daripada segala pintu dosa-dosa besar”.

Permasalahan : 

Apakah disunatkan kita menyeru الصلاة جامعة sebelum menunaikan solat dua Hari Raya ?

Jawapan 

Kita disunatkan menyeru الصلاة جامعة pada solat Hari Raya. Al-Imam al-Syafie R.A telah menceritakan daripada as-Thiqaf (yang adil lagi hafiz) daripada az-Zuhri : “ Bahawasanya Rasulullah S.A.W menyuruh tukang azan menyeru الصلاة جامعة pada solat Hari Raya”. Hadis ini bukannya hadis mursal kerana Imam al-Syafie tidak berhajat ia kepada hadis mursal selagi tidak dikuatkan dengan dalil dan seruan ini diqiaskan keatas solat gerhana. Muslim telah meriwayatkan hadis daripada Siti Aisyah R.A; “ Rasulullah S.A.W menyuruh tukang azan menyeru الصلاة امعة sebelum solat gerhana”.

Permasalahan : 

Jika diperhatikan kesungguhan Nabi Muhammad S.A.W memerintah agar menunaikan solat Hari Raya, maka didapati seolah-olah solat Hari Raya itu satu kewajipan yang tidak boleh diremehkan?

Jawapan 

Memang benar jika diperhatikan sebahagian daripada dalil-dalil yang ada, tetapi ulama mujtahidun seperti Imam Syafie, pemerhatiannya lebih luas berpandukan dalil al-Quran, hadis, ijma' dan qias.

Diantara hadis yang memalingkan perintah wajib solat Hari Raya kepada sunat ialah, hadis Talhah bin Ubaidillah R.A, katanya, “ Telah datang seorang lelaki badawi kepada Nabi S.A.W dalam keadaan rambutnya yang kusut, suara yang perlahan dan sukar memahami percakapannya sehingga terpaksa meneliti percakapannya, lalu ia bertanya mengenai Islam. Sabda Rasulullah S.A.W “ Hendaklah menunaikan solat lima waktu sehari semalam”, tanyanya lagi ,” Adakah wajib ke atasku yang lainnya ?, “ Jawab Rasulullah S.A.W, “ Tiada! Melainkan engkau buat yang sunat”. Kemudian berkata ia pada akhir hadis, “ Tiada aku tambah dan tidak aku kurangkan atas perkara ini ”, lalu sabda Rasulullah S.A.W , أفلح ان صدق (la mendapat kemenangan jika ia benar) ”.

Maka, jika solat hari raya itu fardhu nescaya tidak mendapat kemenangan bagi badwi yang tidak menambah atas solat lima waktu, kerana meninggalkan fardhu itu sebab bagi kerugian bukannya kemenangan.

Imam al-Syafie bukan sahaja melihat kepada zahir hadis tetapi melihat juga kepada illat dan hikmat sesuatu hadis. Misalnya, sampai hadis kepada Imam al-Syafie bahawa Rasulullah S.A.W keluar ke tanah lapang untuk solat Hari Raya di Madinah, begitulah juga para Sahabatnya di negeri-negeri lain kecuali

DOA

Makkah al-Mukarramah. Di Makkah, para muslimin solat di Masjid dan tidak keluar ke padang walaupun banyak padang yang luas di sekitar Makkah. Maka i'lat bagi Imam al-Syafie ialah, Masjid Makkah luas dan Masjid Madinah sempit dan hikmah keluar ke padang lalu berhimpun sekalian muslimin, muslimat, tua, muda, kecil, besar untuk bersolat bukanlah suatu yang dituntut. Oleh itu, beliau mengatakan bahawa, solat Hari Raya lebih afdal dilakukan di Masjid sekiranya Masjid itu luas dan mampu menampung kehadiran jamaah kerana berhimpun ditempat yang mulia lebih diutamakan syara' berlainan dengan solat sunat rawatib yang lebih afdal dilaksanakan dirumah bukannya di Masjid supaya turunnya barakah keatas rumah tersebut serta rumah tersebut tidak menjadi sepi seperti kubur.

Permasalahan :

Adakah gugur solat Jumaat sekiranya Hari Raya jatuh pada hari Jumaat ?

Jawapan

Tidak. Solat Jumaat tidak gugur disebabkan solat Hari Raya. Hadis yang menunjukkan gugurnya solat Jumaat adalah hadis daif dan hadis daif ini tidak kuat bagi melawan dalil wajib Jumaat yang melengkapi ia akan segala hari.

Permasalahan :

Ada pendapat yang mengatakan bahawa membaca dua khutbah Hari Raya adalah qias kepada dua khutbah Jumaat adalah tidak sah ?

Jawapan

Pendapat ini tidak benar. Sekiranya tidak sah, kemukakan dalil-dalilnya.

Permasalahan ;

Azan solat Jumaat sekali sahaja dan tidak ada sunat qabliah bagi solat Jumaat. Sekiranya pendapat ini tidak benar, manakah dalilnya ?

Jawapan

Azan dua kali pada hari Jumaat adalah sunat, dalilnya ialah ijma' para Sahabat. Ia berlaku di zaman Khalifah Uthman Bin Affan dimana beliau menyuruh tukang azan berbuat demikian kerana umat Islam di zaman bertambah ramai dan tindakannya itu tidak dibantah oleh para Sahabat yang lain.

DOA

Solat sunat qabliyah juga sunat berdasarkan kepada beberapa hadis Nabi Muhammad S.A.W. Antaranya , hadis Jabir dan Abu Hurairah R.A., katanya :

جاء سليك الغطفاني ورسول الله ﷺ يخطب فقال له رسول الله صلى الله وسلم : أصليت ركعتين قبل أن تجيء ؟ فقال لا , قال فصل ركعتين وتجاوز

Ertinya , “ Sulaik yang berbangsa Ghatfan datang ke Masjid ketika Nabi Muhammad S.A.W sedang berkhotbah, maka Rasulullah S.A.W bertanya padanya, “ Adakah kamu telah solat dua rakaat sebelum kamu datang ? Jawab Sulaik, “ Belum”. Maka sabda Nabi Muhammad S.A.W. “ Maka solatlah kamu dua rakaat dan ringankan olehmu pada keduanya”.
(Hadis soheh riwayat Ibnu Majah)

Maksud sabda Nabi أصليت ركعتين قبل أن تجيء (adakah kamu solat sebelum datang ke Masjid) menunjukkan solat sunat qabliyah bukannya sunat tahiyatul Masjid kerana sunat tahiyatul Masjid tidak sah dilakukan di rumah.

Abu Daud dalam sunannya dan Ibnu Hibban didalam sohehnya meriwayatkan hadis Nafi', katanya “ Ibnu Umar (Abdullah bin Umar) R.A. memanjangkan solat sebelum Jumaat dan solat ia dua rakaat dirumahnya. Ia melakukan sedemikian kerana Rasulullah S.A.W melakukan sedemikian”.

Abdullah bin al-Mughaffal r.a berkata, Nabi Muhammad S.A.W bersabda: بين كل أذانين صلاة (Diantara dua azan ada solat) dan Nabi Muhammad S.A.W bersabda tiga kali, dan kali ketiga , Nabi Muhammad S.A.W berkata لمن شاء (bagi sesiapa yang menghendaki). Hadis ini diriwayatkan oleh al-Bukhari, Muslim, al-Imam Ahmad, Abu Daud, at-Tirmizi, an-Nasa'i dan Ibnu Majah dari Ibnu Mughaffal R.A,

Abdullah bin Az-Zubair R.A. berkata, bahawa Nabi Muhammad S.A.W. bersabda :

ما من صلاة مفروضة الا وبين يديها ركعتان

(tidak ada daripada solat yang difardhukan melainkan dahulu daripadanya dua rakaat).

Hadis ini diceritakan oleh Ad-Daruqutni di dalam sunannya dan ditashihkan oleh Ibnu Hibban.

Permasalahan :



**Apakah hukum membaca talqin kepada si mati sesudah ditanam?
Apakah benar ianya satu perbuatan bidaah ?**

Jawapan

Membaca talqin untuk si mati selepas dikebumikan menjadi medan khilaf para ulama. Ia tidak disunatkan disisi mazhab Imam Abu Hanifah tetapi bagi Imam Syafie dan Imam Ahmad, ianya disunatkan. Hukum sunat ini didasarkan kepada hadis Nabi Muhammad S.A.W : ²⁶ لَقِّنُوا مَوْتَكُمْ لَا إِلَهَ إِلَّا اللَّهُ

Ajarkanlah olehmu akan sekalian yang mati akan Lailaha illallah”.

Tidak ada dalil mengatakan hadis ini untuk mereka yang hampir mati bahkan hadis ini melengkapi untuk mereka yang mati yang sudah ditanam didalam kubur. Lafaz مَوْتَكُمْ pada yang hidup itu adalah majaz, manakala untuk yang sudah mati adalah hakikat dan tidak syak lagi bahawa memakai lafaz tersebut pada yang hakikat adalah didahulukan daripada yang majaz. Ulama bayan berkata: “Disyaratkan pada majaz iaitu qarinah yang menegah daripada makna yang hakiki. Di sini tidak ada qarinah yang menegah daripada yang dikehendaki (مَوْتَكُمْ) itu akan maknanya yang asal iaitu mereka yang sudah bercerai ruhnyanya daripada badannya.

At-Tobrani dan Ibnu Mandah meriwayatkan hadis daripada Abi Umamah R.A. daripada Nabi Muhammad S.A.W, katanya , Nabi Muhammad S.A.W. bersabda, ²⁷

إذا مات أحد من اخوانكم فسويتم عليه التراب، فليقم على رأس القبر ثم ليقل يا فلان ابن فلانة فانه يستمع ولا يجيب، ثم يقول يا فلان ابن فلانة فانه يسوى قاعدا، ثم يقول يا فلان ابن فلانة، فانه يقول أرشدنا رحمك الله ولكن لا تشعرون، فليقل: أذكر ما خرجت عليه من الدنيا، شهادة لا اله الا الله وأن محمدا عبده ورسوله، وإنك رضيت بالله ربا، وبالإسم ديناً، وبمحمد نبياً، وباقرآن اماماً، فإن منكراً ونكيراً يأخذ كل واحد منهما بيد صاحبه ويقول انطلق بنا ما نقعد عند من لقن حجتة، فيكون الله حجيجهما دونه، قال رجل، يا رسول الله، فإن لم يعرف أمه قال ينسبه الى حواء — يا فلان ابن حواء

26 Hadis ini di dalam al-Jami' as-Soghîr, No. 7301. Diriwayatkan oleh Muslim, al-Imam Ahmad, Abu Daud, al-Tirmizi, an-Nasa'i dan Ibnu Majah daripada Abi Saïd al-Khudri. Muslim dan Ibnu Majah daripada Abi Hurairah dan an-Nasa'i daripada Siti Aisyah R.A. Berkata as-sayuti, hadis ini adalah mutawatir.

27 Hadis ini di dalam kitab Sarh as-Sudur, Syarah Ahwal al-Mauta wa al-Qabr bagi al-Hafiz as-sayuti. M.s. 44.

DOA

Ertinya : “ Apabila mati seseorang daripada saudara kamu, maka ratalah tanah atas kuburnya, maka hendaklah berdiri seorang daripada kamu atas kubur bahagian kepala, lalu katalah : “ Wahai si fulan anak si fulan, sesungguhnya si mati itu mendengar tetapi tidak menjawab. Kemudian katakanlah lagi, “ Wahai si fulan bin si fulan, maka mayat itu duduk lurus ia, kemudian katakanlah lagi, “ Wahai si fulan bin si fulan, maka mayat itu menjawab, “ Tunjukilah kami! Mudah-mudahan Tuhan memberi rahmat ke atasku”. Sabda Rasulullah S.A.W, tetapi kamu tidak mendengar perkataan mayat tersebut. Maka hendaklah pembaca talqin itu berkata, “ Ingatlah olehmu apa yang engkau berada diatasnya tatkala engkau keluar dari dunia, bersaksi bahawa tiada Tuhan yang disembah dengan sebenar-benarnya melainkan Allah, dan bahawasanya Nabi Muhammad S.A.W, itu hambaNya dan PesuruhNya, engkau redha dan terima bahawa Allah Taala itu sebagai Tuhanmu, Islam agamamu, Muhammad S.A.W, itu nabimu, al-Quran itu pegangan dan ikutanmu dan sesungguhnya Munkar dan Nankir mengambil salah seorang daripada keduanya akan tangan kawannya lalu berkata, “ Marilah kita beredar. Kita tidak perlu duduk pada sisi mereka yang telah diajarkan akan hujahnya, dan sesungguhnya Allah Taala yang berhujah dan mengalahkan keduanya”. Bertanya seorang lelaki, “ Sekiranya pembaca talqin itu tidak tahu nama ibunya (simati), jawab Rasulullah S.A.W, “ Sebutlah atau binkanlah kepada si Hawa kerana si fulan itu anak bagi Hawa”.

Menurut ulama-ulama yang mensunatkannya: Mentalqinkan mayat, disunatkan bagi mayat yang mukallaf sebaik sahaja selesai dikebumikan. Orang yang membaca talqin mengambil kedudukan dibahagian kepala kubur dan mambaca:

يا عبد الله ابن أمة الله، اذكر ما خرت عليه من الدنيا شهادة أن لا إله إلا الله
وأن محمدًا رسول الله وأن الجنة حق وأن النار حق وأن البعث حق وأن الساعة
آتية لا ريب فيها وأن الله يبعث من في القبور وأنت رضىت بالله ربا وبالاسلام
دينا وبمحمد ﷺ نبيا وبالقرآن اماما وبا لكعبة قبله وبا للمؤمنين اخوانا

“Wahai Abdullah bin Amatillah (hamba Allah yang perempuan)! Ingatlah apa yang engkau berada di atasnya tatkala engkau keluar dari dunia iaitulah pengakuan bahawasanya tidak ada Tuhan melainkan Allah dan Muhammad itu adalah pesuruh Allah dan bahawasanya syurga itu benar; neraka itu benar; kebangkitan itu benar; saat tibanya kiamat itu juga benar tidak ada keraguan padanya dan Allah akan membangkitkan sesiapa yang berada di dalam kubur.

DOA

Dan (engkau juga hendaklah mengakui) bahawasanya engkau redha Allah sebagai tuhanmu, Islam sebagai agamamu, Muhammad sebagai Nabimu, al-Quran sebagai Imam/panduanmu, Kaabah sebagai kiblatmu dan orang-orang yang beriman sebagai saudara-saudaramu". (rujuk : Mughni al-Muhtaj, kitab al-janaiz).

Jika sekiranya dikatakan bahawa hadis Abu Umamah R.A sebagai daif, maka para ulama hadis, ulama feqah dan lainnya berkata: "Harus dan sunat beramal dengan hadis dhaif pada yang menunjukkan kepada segala kelebihan, perkara yang menggembirakan dan bagi perkara yang menakutkan, sekiranya hadis itu bukan hadis maudu' dan juga bukan hadis yang terlalu daif. Lagi pun hadis Ibnu Umamah ini dikuatkan lagi dengan syahid dan amalan orang-orang negeri Syam pada zaman dahulu dan hadis ini juga termasuk di dalam umum firman Allah Taala (وذكر فان الذكرى تنفع المؤمنين, (Dan memberi peringatan olehmu kerana sesungguhnya memberi peringatan itu memberi manfaat ia kepada sekalian yang beriman). Lafaz 'al-mukminin' disini ialah lafaz jama', melengkapi mukmin yang hidup dan yang mati, lelaki mahu pun perempuan.

Al-Imam Ahmad berkata, "Diamalkan dengan hadis dhaif apabila tidak didapati ada hadis yang lain daripadanya dan tidak ada disana hadis yang berlawanan denganya", dan katanya lagi "Aku lebih kasih kepada hadis daif daripada fikiran seorang lelaki", begitu juga pendapat al-imam Abu Hanifah. Pendapat yang mengatakan tiada talqin untuk untuk simati adalah pendapat mazhab Mu'tazilah kerana mereka berpendapat menghidupkan mayat selepas mati adalah mustahil.

Permasalahan :

Adakah sampai amalan-amalan orang-orang yang hidup kepada simati ?

Jawapan :

Amalan-amalan orang-orang yang hidup, pahalanya sampai kepada si mati. Dalilnya jelas berdasarkan al-Quran, hadis, Ijma' dan Qias. Ijmak ulama mengatakan bahawa empat perkara sampai pahalanya pada simati iaitu sedekah, doa, istighfar dan segala yang wajib yang menerima ganti seperti membayar hutang daripadanya. Sabda Rasulullah S.A.W :

عن أبي هريرة رضي الله عنه قال : قال رسول الله ﷺ " اذا مات الإنسان انقطع عمله الا من ثلاثة , من صدقة جارية , او من علم ينفع به , او ولد صالح يدعو له "

DOA

“ daripada Abi Hurairah R.A. katanya, “ Sabda Rasulullah S.A.W, Apabila matinya seseorang manusia maka terputuslah segala amalannya kecuali dari tiga perkara iaitu daripada sedekah jariahnya atau daripada ilmu yang dimanfaatkannya atau daripada anaknya yang soleh yang selalu mendoakannya”.

Puasa, maka sah ganti puasa bagi orang mati dan sampai pahalanya kepada simati berdasarkan hadis soheh *من مات وعليه صيام صام عنه وليه* (sesiapa yang mati dan atasnya puasa, maka puasalah untuk simati oleh walinya). Hadis ini diceritakan oleh al-Bukhari, Muslim, al-Imam Ahmad dan Abu Daud daripada Siti Aisyah R.A. dan dimaksudkan dengan wali disini ialah tiap-tiap keluarga, waris atau asobahnya.

Pahala mengerjakan akan sampai pahalanya kepada simati berdasarkan hadis Ibnu Abbas R.A., katanya :

ان امرأة من هينة جاءت الى النبي ﷺ , فقالت : ان أمي نذرت أن تح فلم تحج حتى ماتت, أفأج عنها ؟ ل حجى عنها , رأييت لو كان على أمك دين , أكنت قاضيته ؟ أقضوا الله , فالله أحق بالوفاء

Ertinya : “ Seorang perempuan berbangsa Juhainah telah datang kepada Nabi Muhammad S.A.W, lalu bertanya : “ Ibuku telah bernazar untuk mengerjakan haji, tetapi beliau tidak dapat mengerjakan haji sehingga beliau mati. Maka bolehkan aku mengerjakan haji untuknya? Sabda Rasulullah S.A.W. “Kerjakanlah olehmu akan haji ganti daripadanya, Ceritakan padaku, jika ibuku berhutang, apakah wajib atasku membayar hutangnya ? Bayarlah olehmu akan piutang Allah Taala, maka Allah Taala lebih berhak menyempurnakan piutangnya”.

Hadis ini diceritakan oleh al-bukhari didalam sohehnya.

Doa akan sampai pahalanya kepada simati dengan *ijma'*. Berdasarkan dalil firman Allah Taala :

والذين جاءو من بعدهم يقولون ربنا اغفر لنا ولاخواننا الذين سبقونا بالايمان

(Dan mereka yang datang selepas daripada muhajirin dan ansar sehingga hari kiamat, mereka berkata, “ Wahai Tuhan yang menjadikan kami! Ampun olehmu akan segala dosa kami, dan segala dosa sekalian saudara-saudara kami seagama, yang telah mendahului kami dengan membenarkan ajaran Nabi Muhammad S.A.W).

DOA

Allah S.W.T memuji mereka dengan sebab memohon keampunan untuk sekalian mukminin terdahulu dan ini menunjukkan manfaat istighfar dan doa orang-orang yang hidup untuk simati.

Sedekah juga sampai pahalanya kepada simati berdasarkan dalil ijma' dan hadis Rasulullah S.A.W yang diriwayatkan oleh Al-Bukhari dan Muslim daripada Siti Aisyah :

ان رجلا اتى النبي ﷺ فقال : يا رسول الله, ان اى افتلتت نفسها ولم توص , وأظنها لو تكلمت تصدقت , افلها اجر ان تصدقت عنها ؟ قال نعم

Ertinya : " Seorang lelaki datang kepada Nabi Muhammad S.A.W lalu berkata , " Ya Rasulullah ! Ibuku mati dengan terkejut dan tidak sempat berwasiat, dan aku menyangka sekiranya beliau sempat berkata-kata, nescaya beliau akan mengeluarkan sedekah. Adakah pahala untuknya sekiranya aku bersedekah untuknya ? Jawab Rasulullah S.A.W, Ya !"

Membayar hutang orang yang mati juga memberikan manfaat untuknya dengan dalil ijma', kerana telah ijma' sekalian muslimin bahawa membayar hutang orang yang sudah mati akan menggugurkan ia (simati) daripada zimmahnya sekalipun yang membayar hutang tersebut orang yang jauh (ajnabi atau bukan ahli keluarganya) dan sekalipun dibayar hutang tersebut bukan daripada harta peninggalannya. Ibnu Qatadah pernah meriwayatkan bahawa Rasulullah S.A.W tidak menyembahyangkan mayat seorang sahabat sehinggalah hutangnya telah dibayar oleh Ibnu Qatadah dan setelah hutang itu dibayar, Rasulullah S.A.W bersabda:

الان بردت عليه جلده

Ertinya: sekarang barulah sejuk kulitnya

Membaca al-Quran juga sampai pahalanya kepada si mati pada sisi jumhur ulama salaf, Imam Abu Hanifah, Imam Malik dan Imam Ahmad bin Hambal atas dalil qias kepada doa, sedekah, puasa dan diqiaskan atas tasbih pelepah tamar yang dihantarkan oleh Rasulullah S.A.W di atas dua kubur dengan sabda baginda:

انه يخفف عنها مادامتا رطبتين

Ertinya : Sesungguhnya diringankan seksa dua orang di dalam kubur ini selama berkekalan basah kedua pelepah tamar ini .

DOA

Hadis riwayat al-Bukhari, Muslim, Abu Daud, at-Tirmizi, an-Nasa'i, Ibnu Majah dan Ibnu Khuzaimah.

Sebahagian dalil sampainya pahala al-Quran kepada simati ialah hadis yang dikeluarkan oleh al-Imam Ahmad didalam musnadnya, oleh Abu Daud, an-Nasa'i dan Ibnu Hibban daripada Nabi Muhammad S.A.W, sabdanya :

اقرأوا يس على موتاكم

(Baca olehmu akan surah yasin atas simati dari kalangan kamu).

Dimaksudkan dengan perkataan موتاكم itu ialah mereka yang telah bercerai rohnya daripada badannya.

Saidina Ali Karramallahu wajjah telah meriwayatkan hadis daripada Nabi Muhammad S.A.W, sabdanya , :

من مر على المقابر وقرأ قل هو الله أحد إحدى عشرة مرة ثم وهب أجرها
للأموات أعطى من الأجر بعدد الأموات

Ertinya: Sesiapa yang lalu diatas perkuburan lalu membaca surah al-Ikhlâs sebelas kali lalu meniatkan pahalanya untuk sekalian yang mati, nescaya diberikannya pahala jumlah sekalian yang mati diperkuburan tersebut) .

Hadis ini diceritakan oleh Abu Muhammad as-Samarqandi dan disebut juga oleh al-Hafiz as-Sayuti di dalam kitab Sarh as-Sudur.

Membaca al-Quran di atas kubur, ulama Syafie dan yang lain memutuskan bahawa ianya dibolehkan oleh syara'. Az-Zaghfarani berkata, " Aku telah bertanya kepada al-Imam al-Syafie R.A. mengenai pembacaan al-Quran di perkuburan, lalu beliau menjawab, "Tiada mudharat dengan dia". Al-Imam an-Nawawi di dalam kitab Sarh al-Muhazzab berkata, "Disunatkan orang yang menziarahi kubur membaca ayat-ayat yang mudah daripada al-Quran dan mendoakan mereka itu mengiringinya (mengiringi membaca al-Quran)", perkataan ini disebut oleh Al-Imam al-Syafie dan dipersetujui oleh Ashabu al-Syafie dan ditambah oleh al-Syafie pada tempat yang lain dengan katanya, 'Dan jika mereka itu membaca al-Quran sekali khatam di atas kubur, nescaya itu adalah lebih afdal'".

DOA

Asy-Syaikh Ibnu al-Qayyim didalam kitabnya *ar-Ruh*, cetakan kedua Khaidar Abad, muka surat 13, menyebut, “ Dan sesungguhnya telah disebut daripada jamaah salaf bahawasanya mereka itu berwasiat agar dibacakan al-Quran disisi kubur mereka ketika mayat mereka ditanam”. Abd’ al-Hak berkata, ‘ Diceritakan bahawasanya Abdullah bin Umar R.A. menyuruh dibacakan surah al-Baqarah disisi kuburnya”. Al-Imam Ahmad pada mulanya tidak bersetuju dibolehkan membaca al-Quran diperkuburan kerana tiada sampai hadis kepadanya tetapi setelah sampai hadis kepadanya, beliau bersetuju dibolehkan membaca al-Quran di perkuburan.

Golongan yang berpendapat bahawa tidak sampai pahala bacaan kepada simati berdasarkan firman Allah Taala didalam al-Quran, “ وَأَنْ لَّيْسَ لِلْإِنْسَانِ إِلَّا مَا سَعَى (Tidak ada bagi manusia melainkan apa yang diusahakannya). Jawapan kepada pendapat ini ialah :

- 1- Ayat ini وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ وَأَنْ لَّيْسَ لِلْإِنْسَانِ إِلَّا مَا سَعَى mansuh dengan ayat (Dimasukkan anak kedalam syurga dengan sebab bapanya yang soleh).
- 2- Ayat ini ditujukan kepada umat Nabi Ibrahim dan Nabi Musa Alaihi-salam. Bagi umat Nabi Muhammad S.A.W, Akramah berkata, “ Maka baginya apa yang diusahakan olehnya dan apa yang diusahakan oleh orang lain untuknya ”.
- 3- Menurut ar-Rabi’ bin Anas, dikehendaki dengan الْإِنْسَان dalam ayat itu ialah kafir, ada pun bagi orang yang beriman, baginya barang yang diusahakannya dan barang yang diusahakan oleh orang lain untuknya.

Permasalahan ;

Bolehkah membayar fidyah solat seperti memberi wang, barang-barang kemas kepada orang miskin sebagai membayar denda simati?

Jawapan 

Hakikat membuat fidyah solat dan puasa itu adalah sedekah simati. Sedekah simati sampai pahala kepadanya dengan ijma’, jadi ianya dibolehkan.

Permasalahan :

Ada pendapat mengatakan kita boleh makan labi-labi, penyu, biawak dan ular kerana mengikut hukumnya yang asal iaitu mubah (harus) dan tiada satu pun dalil yang mengharamkannya ?

Jawapan :

Pendapat ini salah. Labi-labi, penyu, biawak dan ular haram dimakan. Allah Taala berfirman: ²⁸ وَيَجْلَلُ لَهُمُ الطَّيِّبَاتِ وَيُحَرِّمُ عَلَيْهِمُ الْخَبَائِثَ

Ertinya: Dihalalkan bagi kamu segala yang baik dan diharamkan bagi kamu segala yang buruk.

Firman Allah Taala lagi: ²⁹ يَسْأَلُونَكَ مَاذَا أَحَلَّ لَهُمْ قُلْ أَحَلَّ لَهُمُ الطَّيِّبَاتِ

Ertinya: Mereka bertanya kamu, apa yang dihalalkan untuk mereka ? Katakanlah ! Dihalalkan untuk kamu segala yang baik-baik).

Labi-labi, penyu, ular dan biawak haram dimakan kerana termasuk didalam binatang-binatang yang buruk dan tidak sesuai dimakan. Muslim meriwayatkan hadis, sabda Rasulullah ﷺ كُلُّ ذِي نَابٍ مِنَ السَّبَاعِ فَأَكْلُهُ الْحَرَامُ

Ertinya: Tiap-tiap yang mempunyai taring daripada binatang buas, memakannya adalah haram .

Ibnu Abbas R.A, berkata, Nabi Muhammad S.A.W bersabda ;

ان النبي ﷺ نهى عن أكل كل ناب من السباع وكل ذي مخلب من الطير

Ertinya: Nabi Muhammad S.A.W melarang memakan tiap-tiap yang mempunyai taring daripada binatang buas dan tiap-tiap yang mempunyai kuku yang tajam daripada jenis burung .

Al-Bukhari dan Muslim meriwayatkan hadis daripada Tha'labah R.A. :

ان النبي ﷺ نهى عن أكل كل ذي ناب من السباع

Ertinya: Nabi Muhammad S.A.W melarang memakan setiap yang mempunyai taring daripada binatang buas.

²⁸ Surah al-'A'raf, Ayat 156
²⁹ Surah al-Maidah, Ayat 4

DOA

Sesungguhnya sebahagian binatang yang diharamkan memakannya ialah binatang yang disuruh oleh Nabi Muhammad S.A.W., membunuhnya kerana jika ia halal nescaya Nabi Muhammad S.A.W tidak menyuruh kita membunuhnya seperti burung gagak, burung helang, kala jenking, tikus dan binatang yang menggigit seperti anjing dan lain-lain. Sabda Rasulullah S.A.W

خمس من الدواب كلهن فاسق يقتلن في الحرم الغراب و الجدأة و العقرب و
الفارة و الكلب العقور

Ertinya: “ Lima jenis binatang kesemuanya fasik (keji) dan perlu dibunuh di Tanah Haram iaitu burung gagak, burung helang, kala jenking, tikus dan anjing yang menggigit orang”.

Hadis riwayat al-Bukhari dan Muslim daripada Siti Aisyah, Hafsah dan Ibnu Umar R.A.

Al-Bukhari dan Muslim meriwayatkan hadis daripada Ummu Syarik daripada Ibnu Abbas R.A., katanya :

ان النبي ﷺ نهى عن قتل أربع من الدواب . النملة و النحلة و الهدهد و الصر

Ertinya “ Nabi Muhamad S.A.W melarang daripada membunuh empat jenis binatang iaitu semut, lebah, burung belatuk dan burung

Al-Baihaqi R.A meriwayatkan hadis daripada Siti Aisyah R.A dengan sanad yang shahih, katanya : انى لأعجب من يأكل الغراب وقد أذن رسول الله ﷺ في قتله :

Ertinya “ Aku terkejut melihat mereka yang memakan burung gagak kerana sesungguhnya Rasulullah S.A.W menyuruh membunuhnya”. Sekiranya burung gagak itu halal, nescaya Rasulullah S.A.W tidak menyuruh membunuhnya.

Sekian sahaja. Semoga penjelasan yang ringkas ini dapat merungkaikan beberapa kekusutan dan keclaruan yang timbul. Segala yang baik daripada Allah Taala jua.



Diterbitkan oleh:

JABATAN MUFTI NEGERI PULAU PINANG

Tingkat 48, KOMTAR, 10000 Pulau Pinang

TEL: 04 263 2975 | FAKS: 04 263 2985

WEB: <http://mufti.penang.gov.my>